

Kanaouen ar blerimer (lerimer)

Breiz - N° 276

War dôn : *Risque la Montagne.*

1

Me oa, sur, eur pôtr abred,
Ha mat evit deski,
Ma lâre mamm vije red
D'in chom war ar studi ;
Met koantiz ma mestrezig
A lakas d'in 'n em fenn
'Renkjen sevel eun neizig
Da vevan 'n he c'hichen.

(168)

245

Met war benn daou pe dri miz,
Eur zul, goude advern,
Ma flac'hig 'ya da Bariz
Hag am lez war ma bern...
Neuze renkis adkemer
Micher ma zadou koz
Ha stokan ar men lemmer
Eus ar beure da noz.

3

Me lemm e falz d'ar mevel,
Koulz ha d'ar benherez,
Ha d'ar pôtr-saoud e gontel
Vel d'ar geginerez,
Ar gizell hag an « harpon »,
Sizailh ar c'hemener,
Hesken an ôtrou person,
Otenn an ôtrou mîr.

4

Redet am eus ar c'hériou,
E pevar c'horn Bro-C'hall,
Gwelet am eus pardoniu,
Gwelet am eus treo all,
Bro ar meneziou ubel,
Bro ar plenennou bras;
Ken koant ha ma Breiz-Ize:
N'am eus gwelet biskoaz.

5

En eur dreuzi pep parrouz,
Me a gan a bouez penn
Marvailhou Yann ar Minous
Ha gwerziou Yann ar Gwenn...
Deut da glevet ma zoniou,
Ha c'houi'gavo, sur mat,
Diverglet ho kalonou,
Lemmoc'h ho taoulagad.

6

Ma stad a zo gwell dister,
Met plijout a ra d'in :
Rak se, me chom dibreder,
En despet d'ar gozni.
'M eus na kerent na mazou,
Dinec'h eo ma spered ;
Me lemmo falch'an Ankou
Pa deuio d'am c'herc'het..